

INUIT ATAQATIGIIT

Inatsisartuni



16. februar 2017

Inatsisartut suleriaasianni § 37 naapertorlugu Naalakkersuisunut imaattunik apeqqute-qarpunga:

- 1. Akileraartarnermi Aqutsisoqarfimmi sakkutut (system) atorneqartut nunatsinni aningaasaqarnerup ingerlaernerannut tutsuiginartutut nalilerneqarsinnaappat?**
- 2. Akileraartarnermi Aqutsisoqarfiup paasissutissat suut tunngavigalugit nalunaarpa kommunit akileraartarnikkut pisassai naatsorsuutaasumit annikinnerusut?**
- 3. Sapaatip akunnerata ingerlanerinnaani akileraartarnermi paasissutissanik nikittoorneq taamak annertutigisoq akuersaarneqarsinnaava? Taamatullu pisoqarsinnaaneranut suna peqqutaava?**
- 4. Taamak pisoqaqqinginnissaa anguniarlugu qanoq iliuseqartoqalersaarpa?**
- 5. Nunatsinni aningaasaqarnerup nikerartuartup tutsuiginarnerpaamik malinnaavigineqarsinnaanissaa kiisalu kommunit aningaasaqarnikkut tutsuiginarnerusumik pilersaarusiorduarsinnaaneroqqullugit Akileraartarnermi Pisortaqaqarfimmi sakkut ukiuni tulluittuni nutarterneqarnissaannik pilersaaruteqartoqarpa? Taamaassimappat pilersarutit qanoq isikkoqarpap?**

(Inatsisartuni ilaasortaq, Bendt B. Kristiansen)

Tunngavilersuut

Ukiaq 2016-ip ingerlanerani Akileraartarnermik Aqutsisoqarfimmit Qaasuitsup Kommuniata akileraarutitigut pisassai sapaatip akunnerata iluani marlussoriarlutik nalunaarutigineqartarput, nalunaarut siulleq septermber-i naalersoq kr. 22 mio. sinnerlugit akileraarutitigut pissarsinaartoqarsimasoq utertitsisoqartariaqartorlu nalunaarutigineqarluni, malittaani sapaatip akunnera qaangiutinngittoq nalunaartoqaqqilluni akileraarutitigut kr. 28 mio. missaanik annertussusilimmik pissarsisoqarnissaa naatsorsuutigineqassasoq, taamaalilluni nikingassut kr. 50 mio. missaaniilluni.

Pisortatigoortumik nalunaarutit taamak isikkoqartartillugit kommuninit pisortaqaqarfinnut tutsuiginnissinnaassuseq annertuumik innarlerneqartarpoq, paasissutissallu ilumut tutsuiginartuuneri apeqquserneqalartarlutittaaq.

Ullut suliffiusut qulit iluanni akineqarnissara kissaatigaara.